



REPUBLIKA E SHQIPËRISË
KOMISIONI I PROKURIMIT PUBLIK

Nr. 36/1 prot.

Datë 09.01.2024

V E N D I M

Nr. 30/2024

Komisioni i Prokurimit Publik, i përbërë nga:

Jonaid Myzyri	Kryetar
Fiorent Zguro	Nënkryetar
Kreshnik Ternova	Anëtar
Anila Malaj	Anëtar

Në mbledhjen e datës 09.01.2024, mori në shqyrtim çështjen me,

Objekt: Mbi zbatimin e vendimit të Komisionit të Prokurimit Publik Nr. 1256/2023, datë 05.12.2023 për procedurën e prokurimit “E hapur” me nr. REF-79013-09-04-2023 me objekt: “*Rikonstruksion Lulishtesh*”, me fond limit 49,515,000 (dyzet e nëntëmilion e pesëqind e pesëmbëdhjetëmijë) lekë pa TVSH, zhvilluar me datë 13.10.2023 nga autoriteti kontraktor, Drejtoria e Përgjithshme e Pastrimit dhe Gjelbërimit.

Ankimues: “TEA-D” SHPK me NIPT K32522629L dhe adresë Gjirokastër, Libohovë, Rruga “Dhuvjan”, nr. pasurie 3105, ZK 2444.

Autoriteti Kontraktor: Drejtoria e Përgjithshme e Pastrimit dhe Gjelbërimit me adresë Rruga “5 Maji”, Tiranë.

Baza Ligjore: Ligji nr. 162/2020 “*Për Prokurimin Publik*”, Vendimi i Këshillit të Ministrave nr. 285, datë 19.05.2021 “*Për miratimin e rregullave të prokurimit publik*” i ndryshuar, Vendimi i Komisionit të Prokurimit Publik nr.766/2021, datë 13.10.2021 “*Për miratimin e rregullave “Për Organizimin dhe Funksionimin e Komisionit të Prokurimit Publik”*”

Komisioni i Prokurimit Publik, pasi shqyrtoi dokumentacionin e çështjes dhe e diskutoi në tërësi,

Vëren:

Rrethanat e çështjes

I.1. Në datë 05.12.2023, Komisioni i Prokurimit Publik mori vendimin Nr. 1256/2023, ku vendosi:

[...]

1. Të pranojë pjesërisht ankesën e paraqitur nga bashkimi i operatorëve ekonomikë “TEA-D” SHPK dhe “COGREN” SHPK për procedurën e prokurimit “E hapur”, Pune, me mjete elektronike” me nr. REF-79013-09-04-2023 me objekt: “Rikonstruksion Lulishtesh”, me fond limit 49,515,000 (dyzet e nëntëmilion e pesëqind e pesëmbëdhjetëmijë) lekë pa TVSH, zhvilluar me datë 13.10.2023 nga autoriteti kontraktor, Drejtoria e Përgjithshme e Pastrimit dhe Gjelbërimit.
 2. Autoriteti kontraktor të rishikojë arsyet e skualifikimit të bashkimit të operatorëve ekonomikë “TEA-D” SHPK dhe “COGREN” SHPK dhe të korrigjojë shkeljet e konstatuara si më sipër.
 3. Autoriteti kontraktor të anulojë procedurën e mësipërme të prokurimit dhe me rihapjen e procedurës të ketë parasysht konstatimet e mësipërme të bëra nga Komisioni i Prokurimit Publik.
 4. Autoriteti kontraktor brenda 5 ditëve të vërë në dijeni Komisionin e Prokurimit Publik për zbatimin e vendimit, duke dokumentuar veprimet e kryera.
 5. Ngarkohet zyra e financës që të bëjë kthimin e tarifës financiare të paguar nga bashkimi i operatorëve ekonomikë “TEA-D” SHPK dhe “COGREN” SHPK.
 6. Kundër këtij vendimi mund të bëhet ankim në Gjykatën Administrative të Apelit.
 7. Kopje e këtij vendimi i dërgohet për njoftim Agjencisë së Prokurimit Publik.
- Ky vendim hyn në fuqi menjëherë.*

I.2. Me shkresën nr. 1702/40 prot., datë 27.12.2023, protokolluar me tonën nr. 2770/14 prot., datë 28.12.2023 autoriteti kontraktor, njofton se ka zbatuar vendimin 1256/2023, datë 05.12.2023 të Komisionit të Prokurimit Publik për procedurën e prokurimit “E hapur”, Pune, me mjete elektronike” me nr. REF-79013-09-04-2023 me objekt: “Rikonstruksion Lulishtesh”, me fond limit 49,515,000 (dyzet e nëntëmilion e pesëqind e pesëmbëdhjetëmijë) lekë pa TVSH, zhvilluar me datë 13.10.2023 nga autoriteti kontraktor, Drejtoria e Përgjithshme e Pastrimit dhe Gjelbërimit.

Autoriteti kontraktor referuar vendimit përfundimtar të KPP-së nr.1256/2023 me datë 05.12.2023, bazuar në nenin 118 pika 2/b të ligjit 162/2020 “Për prokurimin publik”si dhe referuar udhëzimit nr.07 datë 31.07.2021 “Për mënyrën e zhvillimit të procedurave të prokurimit me mjete elektronike” nga nënpunësi i autorizuar i sistemit në rastin e një vendimi të Komisionit të Prokurimit Publik ka vepruar duke zbatuar vendimin e sipërcituar me urdhër të titullarit të AK “Heqje pezullimi” nr. 1702/30 prot., datë 14.12.2023 pas protokollimit të vendimit të KPP-së duke klikuar tek butoni “Fillo Ri-Vlerësimin”me qëllim kthimin e procedurës në skedarin “Për tu vlerësuar” nga anëtarët e KVO-së. Komisioni i Vlerësimit të Ofertave nëpërmjet procesverbaleve të mbajtura të Ri-vlerësimit me nr. 1702/31 prot., datë 15.12.2023 nga dy anëtarët e KVO-së dhe nr.2832 prot.,datë 18.12.2023 nga kryetari i KVO-së, të cilët kanë kryer vlerësimin në SPE në mënyrë të pavarur duke zbatuar vendimin 1256/2023 datë 05.12.2023 si dhe me vendim unanim kanë dërguar datë 18.12.2023 Raportin përmbledhës të miratuar nga Titullari i AK mbi vendimmarrjen e tyre në lidhje me Ri-vlerësimin e përfunduar dhe të nënshkruar nga të tre anëtarët e KVO-së. Menjëherë në të njëjtën datë 18.12.2023 është ngarkuar në sistemin e prokurimit elektronik (SPE) Formulari i Njoftimit të Anulimit me nr.1702/34 prot.,

datë 18.12.2023 i publikuar nga APP më datë 19.12.2023 dhe të pasqyruar në Buletinin Nr.103 datë 26.12.2023 bazuar në urdhërin e anulimit të procedurës nr. 1702/33 prot., datë 18.12.2023. Sa i përket rihedhjes sërisht të procedurës "E hapur, punë" me objekt "Rikonstruksion Lulishtesh", referuar vendimit nr. 807 datë 16.11.2016 "Për disiplinimin e angazhimeve buxhetore" siç është shprehur shkresërisht edhe Drejtoria e Financës dhe Buxhetit drejtuar sektorit të prokurimit me anë të shkresës nr.2886 datë 27.12.2023 ku na informon që ky fond sipas PBA së miratuar 2023-2025 është parashikuar për tu zhvilluar dhe likuiduar brenda vitit buxhetor 2023. Në momentin e rihedhjes rishtazi nga autoriteti kontraktor kjo procedurë prokurimi me të njëjtin objekt sipërcituar, menjëherë do ti dërgohet KPP-së i gjithë dokumentacioni i kërkuar i procedurës (DST dhe Njoftimi i kontrtaës) me modifikimet në përputhje me konstatimet e KPP-së të shprehura në vendimin nr.1256/2023 datë 05.12.2023".

I.3. Me shkresën nr. 7/1 prot., datë 04.01.2024, protokolluar me tonën nr. 2770/18 prot., datë 08.01.2024 autoriteti kontraktor, njofton se ka zbatuar vendimin 1256/2023 , datë 05.12.2023 të Komisionit të Prokurimit Publik për procedurën e prokurimit "E hapur", Pune, me mjete elektronike" me nr. REF-79013-09-04-2023 me objekt: "Rikonstruksion Lulishtesh", me fond limit 49,515,000 (dyzet e nëntë milion e pesëqind e pesëmbëdhjetë mijë) lekë pa TVSH, zhvilluar me datë 13.10.2023 nga autoriteti kontraktor, Drejtoria e Përgjithshme e Pastrimit dhe Gjelbërimit. [...Për të gjitha konkluzionet e arritura nga KPP-ja me anë të vendimit nr. 1256/2023 datë 05.12.2023 anëtarët e KVO-së kanë kryer në sistem ndryshimet përkatëse për të gjitha pikat ku vendimi është shprehur se pretendimet e bashkimit të operatorëve ekonomikë ankimues "TEA-D" SHPK dhe "COGREN" SHPK qëndronin dhe që janë në kompetencë të anëtarëve të KVO-së..].

II

Komisioni i Prokurimit Publik

Pasi shqyrtoi dokumentacionin e mësipërm,

Arsyeton

II.1. Me shkresën nr. 7/1 prot., datë 04.01.2024, protokolluar me tonën nr. 2770/18 prot., datë 08.01.2024 autoriteti kontraktor, njofton se ka zbatuar vendimin 1256/2023 , datë 05.12.2023 të Komisionit të Prokurimit Publik për procedurën e prokurimit "E hapur", Pune, me mjete elektronike" me nr. REF-79013-09-04-2023 me objekt: "Rikonstruksion Lulishtesh", me fond limit 49,515,000 (dyzet e nëntë milion e pesëqind e pesëmbëdhjetë mijë) lekë pa TVSH, zhvilluar me datë 13.10.2023 nga autoriteti kontraktor, Drejtoria e Përgjithshme e Pastrimit dhe Gjelbërimit. [...Për të gjitha konkluzionet e arritura nga KPP-ja me anë të vendimit nr. 1256/2023 datë 05.12.2023 anëtarët e KVO-së kanë kryer në sistem ndryshimet përkatëse për të gjitha pikat ku vendimi është shprehur se pretendimet e bashkimit të operatorëve ekonomikë ankimues "TEA-D" SHPK dhe "COGREN" SHPK qëndronin dhe që janë në kompetencë të anëtarëve të KVO-së..].

II.2 Nga verifikimet e kryera në Sistemin e Prokurimeve Elektronike, në lidhje me zbatimin e vendimit të Komisionit të Prokurimit Publik, u konstatua se autoriteti kontraktor nuk ka kryer rivlerësimin për procedurën e prokurimit objekt shqyrtimi në përputhje me konstatimet në vendimet KPP. 1256/2023 datë 05.12.2023, duke rivlerësuar bashkimin e operatorëve ekonomikë

pjesëmarrës në procedurën e prokurimit të sipërcituar, referuar konstatimeve të këtij vendimi. Pra, nuk është bërë një zbatim i drejtë dhe korrekt i vendimit KPP. 1256/2023.

Konkretisht nuk është zbatuar plotësisht pika e dispozitivit:

- *Autoriteti kontraktor të rishikojë arsyet e skualifikimit të bashkimit të operatorëve ekonomikë “TEA-D” SHPK dhe “COGREN” SHPK dhe të korrigojë shkeljet e konstatuara si më sipër.*

pasi anëtarët e Komisionit të Vlerësimit të Oferta nuk kanë kryer vlerësimin në mënyrë unanime në Sistemin e Prokurimeve Elektronike në përputhje me konstatimet në vendimin KPP.1256/2023, datë 05.12.2023, për bashkimin e operatorëve ekonomikë. Konkretisht, anëtari i KVO-së Z. M.M ka reflektuar ndryshimin sipas vendimit KPP. 1256/2023, ndërsa anëtarët e tjerë Z. K.Zh dhe Znj. L. L nuk kanë reflektuar ndryshimet sipas vendimit KPP. 1256/2023, në rivlerësimin në sistemin e prokurimit elektronik.

Përsa më sipër, në mbështetje të ligjit nr. 162/2020 “Për Prokurimin Publik”, Vendimit të Këshillit të Ministrave nr. 285, datë 19.05.2021 “Për miratimin e rregullave të prokurimit publik”, i ndryshuar, nenit 46 të Vendimit të Komisionit të Prokurimit Publik Nr. 766/2021, datë 13.10.2021 “Për miratimin e rregullave “Për organizimin dhe funksionimin e Komisionit të Prokurimit Publik”, nenit 4, të Vendimit të Komisionit të Prokurimit Publik nr. 500/2020 datë 5.11.2020 “Rregullore për Marrjen e Masave Organizative për Ushtrimin e Veprimtarisë së Institucionit të Komisionit të Prokurimit Publik gjatë gjendjes së pandemisë së shkaktuar nga COVID -19”, Komisioni i Prokurimit Publik, njëzëri,

Vendos:

1. Të mos lejojë autoritetin kontraktor për vijimin me hapat e mëtejshëm të procedurës së prokurimit “E hapur” me nr. REF-79013-09-04-2023 me objekt: “Rikonstruksion Lulishtesh”, me fond limit 49,515,000 (dyzet e nëntë milion e pesëqind e pesëmbëdhjetëmijë) lekë pa TVSH, zhvilluar me datë 13.10.2023 nga autoriteti kontraktor, Drejtoria e Përgjithshme e Pastrimit dhe Gjelbërimit.
2. Autoriteti kontraktor të rivlerësojë bashkimin e operatorëve ekonomikë pjesëmarrës në procedurën e prokurimit të sipërcituar, referuar konstatimeve të vendimit nr. 1256/2023, datë 05.12.2023 të Komisionit të Prokurimit Publik, për bashkimin e operatorëve ekonomikë.
3. Kopje e këtij vendimi i dërgohet për njoftim Agjencisë së Prokurimit Publik.
Ky vendim hyn në fuqi menjëherë.

KOMISIONI I PROKURIMIT PUBLIK

Nënkryetar

Florent Zguro

Anëtar

Kreshnik Ternova

Anëtar

Anila Malaj

Kryetar

Jonaid Myzyri

